

Start 'Rondom Oranje'!

Na Provinciehuis di Zwolle, e Comisario di Reina sra. Anke Bijleveld lo habri un presentacion digital di Rondom Oranje. Diferente actividad artistico y workshops, di 16 di december 2011 te maart 2012 den Provinciehuis di Zwolle, como un proyecto pionero. Apertura lo tuma lugar riba 16 di december 2011, casualmente un dia despues di e Dia di Reino Historico (15 december = Statuutdag). E organisacion cu actualmente ta den man di Fundacion Art Promotion International (API), ta considera e presentacion di e coleccion menciona, cu ta refleha e union entre e comunidad (multicultural) den nos Reino, hopi importante.

Ex-Presidente di Oranjevereniging, sr. Tonnis Wieringa, actualmente ta Presidente a.i. di Art Promotion International (API). Despues di Provinciehuis di Zwolle, na Almere a ser palabra pa haci un exposicion di Rondom Oranje den Gemeentehuis, durante luna di april 2012, cu lo ser habri pa Burgemeester Jorritsma, cu casualmente tambe ta Presidente di VNG (Vereniging Nederlandse gemeentes). Lo haci uso di e oportunidad aki pa ofrece e proyecto Rondom Oranje na tur municipio/gemeente Hulandes interesa.... pa 2013.

Autoridadnan di Luxemburg tambe a mostra interes p'e exposicion 'Rondom Oranje'. Pintornan profesional participante ta di Aruba, Gustave Nouel (www.gustavenouel.com) kende a studia na diferente academie Hulandes y post-academie na Universidad Complutense de Madrid, Spanja, di parti di Corsou, Bikkel (www.bikkelartist.com) Wil-

lem de Kooning Academie, Rotterdam, di parti di St. Maarten, Jabu Arnell (www.jabuarnell.com) Academie Rietveld, Amsterdam y como participante di Hulanda, Groningen, Jannes Koetsier (www.janneskunst.nl) Academie Minerva, Groningen. Tambe dos fotografo profesional ta participa, Jan Kruize (www.jankruize@home.nl) y Ewoud Broeksma (www.ewoudbroeksma.com) ademas Jan Menze van Diepen Stichting-Museum (www.vandiepenstichting.nl) ta participa cu un parti di nan coleccion Real.

Parti di Reino den Caribe E proyecto di Arte Itinerante 'Rondom Oranje', cu ta den preparacion desde 2009, lo cuminsa awor na Hulanda! 'Rondom Oranje' tin como meta propaga y stimula e union entre e pueblonan di Hulanda y e parti di Reino den Caribe. Reflechando e funcion puente di nos 'Oranjehuis' comun. Riba 30 di april 2010 e prome exposicion di Rondom Oranje a ser organisa pa Oranjevereniging Groningen. Desde 2009 tin hopi preparacion p'e exposicion itinerante aki. Desde cuminsamento tabata intencion pa mostra Rondom Oranje den nos henter Reino y hasta pa cuminsa e gira den e parti di nos Reino den Caribe, pero circunstancia a haci cu esaki a cuminsa na Hulanda tog!

Marina Real, como sponsor, ta cla pa transporta e exposicion aki gratis p'e parti di Reino den Caribe y entre e islanan, asina cu Rondom Oranje ta cuadra den maneho cultural di e autoridadnan local y cu tin bon sala di exposicion disponibel p'esaki. Na mei 2012, e barco Hr.Ms. Amsterdam ta sali di Den Hel-

der, cu lo por transporta henter e exposicion pa Caribe si tin apoyo politico real p'esaki nle islanan.

